

390 haec ubi immutata est, illi suom animum alio conferunt : 10
 nisi si prospectum interea aliquid est, desertae vivimus.
 vobis cum uno semel ubi aetatem agere decretumst viro,
 quoi(u)s mos maxumest consimili' vostrum, [h]ì se ad vos
 adlicant.

hoc beneficio utriusque ab utrisque vero devincimini,
 395 ut numquam ulla amori vostro incidere possit calamitas. 15
AN. nescio alias : mequidem semper sciō fecisse sedulo
 ut ēx illiu' commodo meūm compararem commodum.

CL. ah

ergo, mea Antiphila, tu nunc sola reducem me in patriam
 facis ;
 nam dum abs te absum omnes mihi labores fūere quos cepi
 leves
 400 praeter quam tuī carendum quod erat. *SY.* credo. *CL.* 20
Syre, vix suffero :
 hocin me miserum non licere meō modo ingenium frui !
SY. immo ut patrem tuōm vidi esse habitum, diu etiam
 duras dabit.
BA. quisnam hic adulescens est qui intuitur nos ? *AN.*
 ah retine me, obsecro !
BA. amabo quid tibist ? *AN.* desperii, perii misera ! *BA.*
 quid stupes,
 405 Antiphila ? *AN.* video Cliniam an non ? *BA.* quem 25
 vides ?
CL. salve, anime mi. *AN.* o mi Clinia, salve. *CL.* ut vales ?